

續耀州志

卷上



續耀州志序

將合數百年風俗之盛衰政治之得失而觀其升降必隨時紀載然後可以信今而傳後耀州在漆沮間於古帝王都最近觀風者謂有豐鎬之遺焉廼自喬三石撰志之後未有起而書之者其在明季兵火多虞災祲屢告民苦流離迨我

朝定鼎轉亂爲治復觀太平百餘年來

聖

聖相承重風累洽山陬沐浴僻壤謳唵不詳書於篇
續耀州志

序

一

何以察廢興而垂法戒乎

灑奉

簡命忝牧斯土公務之暇緝閱舊志編殘簡斷字跡模糊黝黝難施亟思重整隨向州人覓其善本命胥抄錄旣付剞劂矣又訪得明季孝廉左重光

國初明經宋金柱各有續纂未成之書取而閱之十得一二再與廣文吳君蕭君吏目馮君及州中諸紳士共相採訪群稽史冊載閱省志編求碑碣歷按卷宗細問遺老博收散軼又得十之四五特延海寧鍾研齋先生爲之綜覈反覆考

辯詮次成書雖其中歲月久延見聞互異不免遺漏舛錯之虞要之善必求徵言皆有據與虛美傳疑者異矣喬志十一卷分類凡九今卷帙稍減而類則仍之應正者正應補者補較前後之殊綜古今之合觀日新月異之勢嗟乎秦越沃野千里而耀居澗谷土瘠民貧經勝國亂離閭閻遂不可問幸逢

聖世士食舊德農服先疇人物山川皆爲生色覽斯志也二百餘年中得失盛衰之故未了然在日哉灝不才無以稱乎民牧亦惟黽勉自効期無

續耀州志



序

二

玷於簡冊焉爾志成爰書數言弁於簡端

皆

乾隆二十七年歲在壬午六月知耀州事旌德

汪灝撰

續耀州志目錄

第一卷

地理志

沿革

疆域

城池

隄工

山川

河渠

村堡

續耀州志

目錄

道路

古蹟

陵墓

第二卷

建置志

署廨

學校

倉儲

驛傳

第三卷

祠祀志

文廟

壇宇

第四卷

田賦志

額徵

歲支

里甲

編戶

軍需

續耀州志

目錄

二

廠租

鹽法

兵供

市集

風俗

第五卷

官師志

唐至元

補遺志

明嘉靖丁巳後

本朝

文職武職

第六卷

人物志

剛介

廉能

忠節

直諫

孝義

勇略

儒林

方外

續耀州志

目錄

三

列女

第七卷

選舉志

科目

貢生

館學

武科

武途

封秩

掾史

第八卷

紀事志

晉至金 詳齊志略

明季

本朝

第九卷

藝文志

表

疏

議

州志

目錄

四

考

碑誌

論

書 賦 詩

諸集

石刻

第十卷

拾遺

第十一卷

書院 三祖

續耀州志

凡例

一 喬志作於明嘉靖丁巳今自丁巳後起其丁巳前有喬志未載者補之載而可疑者質之今書不符者訂之

一 喬志具載凡例今皆仍之惟內有事涉國典一條偶於祠祀部畧爲變通以資考覽而藝文一門亦間錄數篇取其有關於政事文章人心風俗者

一 喬志分門凡九今亦仍之而九門中又各爲別類以便醒目後綴拾遺一卷

續耀州志

凡例

一

一事必有據涉疑者不錄

一 地僻年遠卷宗多缺故不無遺漏卽如職官選舉其地名年月採訪互異概不率登

一 除符檄卷案外援引何書必爲註明

一 人物實有事業可紀者爲之叙列其或位未顯著人品共推兼長堪取則於選舉門內附註各人之下

一 郡縣志體與全省通志不同但求詳備不憚煩細俾後之作者可採擇焉

續修耀州志採訪姓氏

貢生周宏祚字錫永

廩生左居瀛字名宿

廩生任登字子升

廩生張天秩

廩生焦澤溥

廩生胡正誼字宜菴

廩生左鳴琴字南熏

增生楊宏抱字美功

增生胡正行字恒若

續耀州志

採訪姓氏

增生宋大順字承天

生員李煥文字堯章

生員成華袞字榮章

生員鄭世擴字克伯

生員張袞衣字龍章

梓人長安縣張斌刊

續耀州志卷之一

地理

沿革

耀州明初屬西安府領同官富平三原宜君四縣後
宜君改隸延安三原富平直隸府州祇領同官縣
一國初因之雍正三年陞耀州為直隸州又據
同州之白水來隸十三年閏四月又改州屬西
府以同官白水分隸西同

考證喬志序沿革明矣但未列考證今補之

秦地理志秦京師為內史師古注秦改立郡縣

續耀州志 卷一 地理志 沿革 一

而京畿所統特號內史言其在內以別於諸郡守

通鑑注秦內史兼治漢三輔地

漢水經注沮水東南逕被袞縣故城西縣漢景

帝二年置江鄰幾雜志耀有被袞廟疑被袞是一

兵器其秦鑄兵之所乎賈志被袞故城在耀州東

北一里郡國志被袞永元九年復按被袞蓋建武中省後漢

書永康元年先零寇關中圍被袞續通典耀州華

原同官縣本漢被袞縣地

魏後魏書地形志北地郡魏文帝分馮翊之被

袞置元和志本漢被袞縣地屬左馮翊曹魏於其

北地郡來敏求長安志漢殺初縣魏文帝自彭原縣界富平故城徙北地郡於此其縣遂廢

晉書地理志北地郡統縣二泥陽富平

北魏北史後魏明帝時改北地郡為北雍州地

形志泥陽真君七年併富平景明元年復

西魏周書文帝本紀廢帝三年改北雍州為宜

州隋書地理志華原魏置北地郡西魏改通川郡

續通典華原縣元魏廢帝三年置通川郡領泥陽

縣

北周周書鄭孝穆傳保定三年為宜州刺史隋

續耀州志

卷一 地理志 沿革

二

書地理志西魏置通川郡開皇初廢元和志廢帝

三年通川郡領泥陽縣開皇六年改華原

隋隋書地理志西魏宜州通川郡開皇初郡廢

大業初州廢元和志開皇三年罷通川郡以泥陽

縣隸宜州六年改泥陽為華原縣大業三年省宜

州以華原隸京兆郡

唐唐書地理志義寧元年以華原置宜君郡武

德元年曰宜州貞觀十七年州廢以華原隸雍州

垂拱二年更華原曰永安天授二年復置宜州太

足元年州廢神龍元年復永安曰華原天祐二年

李茂貞置制以縣置耀州

五代 通考唐末李茂貞以京兆華原縣置耀州

領縣一梁改崇州後唐復為耀州以京兆之富平

三原雲陽同州之同官美原五縣來屬通鑑注李

茂貞以華原置茂州尋改耀州職方考耀州李茂

貞置治華原縣

宋 宋史地理志耀州華原郡領縣六雍大記太

平興國初改耀州為感德軍元祐三年復為耀州

通考耀州治華原有殺襖城元史唐耀州宋為感

義軍又改感德軍又為耀州如故金因之

續耀州志

卷一

地理志

沿革

三

金 金史地理志金耀州治華原縣通考宋屬永

興路建炎四年沒於金金隸陝西京兆府路

元 元志元至元元年併華原縣入州綱目集覽

輝州古耀州也三原縣志元改耀州為輝州隸奉

元路

明 明一統志在府城北一百八十里三原志元

改耀州為輝州洪武二年仍改耀州省志耀州明

初屬西安府領縣四後宜君改隸延安府弘治三

年以三原直隸府萬歷間又以富平隸府

疆域

州治在布政司北一百八十里距京師二千四百里
東至富平縣界十里西至淳化縣界五十里
富平縣界三里北至三縣廟係宜君同官交
六十里東南至富平縣界七里西南至三水縣
二十里東北至同官縣界十五里西北至三水縣
界九十里

南至三原縣治八十里北至同官縣治七十里
至淳化縣治九十里東南至富平縣治六十五里
西北至三水縣治一百六十里

形勝 前抱乳山後倚高原漆水經其東沮水總其

續耀州志 卷一 地理志 疆域 四

西西安府志東連馮翊南肘長安關輔之襟

腰膺陝西通志

城池

州城周一千二百十六丈高三丈五尺年久剝落又
漆沮歲漲屢噬城根崇正初關內道翟時雍捐俸
修東城十年春藩司經歷劉文濟署耀州踵修之
門與樓悉宏敞逾昔制順治八年知州劉漢卿築
東城三十餘丈康熙二十五年沮水冲西城舊鎮
鐵牛漂沒無迹民居多圯知州補築新城退入十
數丈三十四年又冲復補土門甚厚五十年東北

城角被漆冲潰知州吳賓彥改易河道水遂安流
城得不圯近自乾隆五年估修需銀二千五百六
十餘金至二十二年續估卽需銀五千八百二十
餘金統入緩工俟輪修之年確估修理
南熏樓嘉靖間知州李廷寶建在南城上萬曆辛巳
知州李一經重修自爲記今廢

堤工

城外舊有護城石堤明崇正三年關內道翟時雍提
各屬夫車修築州人宋鏡爲題澤鴻保障四字康
熙二十五年沮水潰其西至今殘缺不完已往修

續耀州志

卷一

地理志

城池隄工

五

建碑碣盡失乾隆十四年漆水潰其東署知州鍾
一元議開河以洩水築壩以護隄十五年知州田
邦基繼其事用捐助銀二百六十二兩旋被異漲
工盡棄又補修銀一百五十兩十六年夏霪雨河
淤壩決石隄刷去數丈重修議於河水東流之西
岸別開引河長八十五丈口寬二十丈中四之三
尾半之深一丈直趨南下並將十四年議開之河
疏濬寬深借動司庫公用銀九百四十七兩於本
州公費項下十年扣還挑捐民地撥官地償之士
六年工竣二十六年河水又溢冲刷土壩并及石

隄直薄城下知州汪灝捐錢六十餘緡築隄如故
更甃土壩以石繞東而南水勢漸殺河流漸遠

請暫緩城工先築河隄議 知州汪灝

竊照卑州城工奉飭估修原係憲臺專摺 奏明以

工代賑之案職敢不祇遵迅速勘估領帑興修以節

副憲臺惠濟窮黎之至意惟是州城形勢臨河受冲

有不得不剴切縷陳上請鑒核者伏查耀州一城濬

沮二水環抱合流自正統己巳築城至今三百餘年

屢齧屢崩築堤修壩終難免於衝激城西北角有舊

築石堤三道距城根二丈許其二道歷被沮水奔駛

續耀州志 卷一 地理志 堤工 六

刷去無存僅存其一現係頂冲實爲要害其西南城

角於康熙三十四年又被水冲那進二丈築城七十

餘丈故址可稽嗣於乾隆二十一二十五等年又冲

陷三十餘丈地面刷進寬七丈節次報明在案其東

城於乾隆十四年漆水奔潰前任田牧借領藩庫銀

九百四十餘兩疏河起壩分作十年在公費項下捐

還迨二十五年水冲壩斷刷去石堤城根崩陷十餘

丈經職職搶救堵塞城身半存水退後捐資將亂石築

壩一道權爲保護此三處被患之情形也而西北之

水勢劇於城東西南之工程倍艱於西北今職會同

委員相度地勢於西南城角那進七丈隔河運土重築新城八十六丈外築石堤五十丈估需工料銀二萬餘兩此時卽蒙照估發項修城而水勢湏冲且信自近西奔東潰頽圯靡常徒有工作之煩究非善後之策以職愚見應請暫緩修城自願捐資先濬河道仍照東城築壩之式甃以亂石束以長堤俟數年之後河身漸徙岸勢漸高然後詳請修城以圖加築堅厚庶國帑不致虛糜而城工亦收實效矣是否有當伏候憲臺指示遵行

查勘耀州堤工詳議

督糧道 王太岳

續耀州志

卷一

地理志

堤工

七

勘得耀州一城四面崇岡東漆西沮雙流夾抱州城據高阜而起按其形勢是謂凹中藏凸在建置之初未必無意但自前明嘉靖年間重修之後距今二百餘年頽圯之勢原所不免如現在南北二面未嘗不須修補也惟東西二面逼近漆沮二水而二水又各爲山勢所逼傍山之河流日徙近城之地勢日低水之故道不可復還而城之受害難期鞏固矣考之州志益前後卷宗東城於乾隆十四年受冲經前任知州田邦基借動公項修堤築壩疏河引水以保城垣至二十五年水冲壩潰刷去石堤城根被浸城身圯

損十餘丈此漆水之爲害也西城於康熙二十五年被水冲坍隨於舊城牆內那入一十餘丈改築城牆一百六十餘丈今西門現係小土門出入其西北角舊有石壘泊岸三層今存一層西南城角於康熙三十四年被冲那入城基六丈改築七十餘丈乾隆二十一二五等年又被冲坍三十餘丈刷去地面七丈此沮水之爲害也就此兩面而論東城自乾隆二十五年被水之後經現任知州汪灝疏濬濬河流改建亂石堤一道三年以來堤內地勢日漸填淤已成高岸若再於近南平衍處所依式添築長堤即可阻扼

續耀州志

卷一

地理志

堤工

八

橫流尚於城工無碍城西門外往年被水之處歷時既久漸成民田河流現在紆曲西徙亦無碍於築城惟西南一角城脚下浸水中且地係頂冲勉強修城恐非久計至西南一角城內地本低窪城外盡皆灘積舊係特起重基建城其上工費較他處最巨今遭叠次水冲之後城基刷陷無存而城內低窪地面不堪憑藉必須移就稍高處所始便興築是以康熙年間已經那入六丈現在委員勘估又議那入七丈亦其勢不得不然也惟是那城本以避水無如城可那而河亦可徙年侵歲削水患終無已時城工究無完